



Na osnovu člana 8. Zakona o ministarskim, vladinim i drugim imenovanjima Federacije BiH ("Službene novine FBiH", br. 12/03, 34/03 i 65/13), člana 64. stav 5. alineja 1. i 2. i stav 8. Zakona o zdravstvenoj zaštiti („Službene novine FBiH“, br. 46/10 i 75/13), Odluke o bližim kriterijima za imenovanje u upravni odbor JU Dom zdravlja Breza („Službeni glasnik Općine Breza“ – Prečišćeni tekst, broj: 2/17), i člana 32. Statuta JU Dom zdravlja Breza, broj: 01-394/12 od 13.07.2012. godine, u postupku imenovanja na pozicije u reguliranim tijelima iz nadležnosti načelnika Općine Breza, načelnik Općine Breza o b j a v l j u j e

## **JAVNI OGLAS**

### **za izbor i imenovanje kandidata na pozicije članova Upravnog odbora Javne ustanove Dom zdravlja Breza**

01. član Upravnog odbora J.U. Dom zdravlja Breza, iz reda osnivača,	1
02. član Upravnog odbora J.U. Dom zdravlja Breza, iz reda stručnih radnika zdravstvene ustanove	1

#### **I - OPIS POZICIJE**

Upravni odbor obavlja sljedeće poslove:

- donosi Statut Doma zdravlja,
- imenuje i razrješava direktora, odnosno v.d. direktora Doma zdravlja uz prethodnu saglasnost Općinskog načelnika,
- utvrđuje planove rada i razvoja Doma zdravlja,
- utvrđuje godišnji program rada,
- donosi finansijski plan i usvaja godišnji obračun,
- donosi opće akte o unutrašnjem uređenju i sistematizaciji poslova i druge opće akte u skladu sa zakonom i Statutom Doma zdravlja,
- odlučuje o svim pitanjima obavljanja djelatnosti radi kojih je Dom zdravlja osnovan ako zakonom nije određeno da o tim pitanjima odlučuje drugi organ,
- usmjerava, kontroliše i ocjenjuje rad direktora,
- rješava sva pitanja odnosa sa osnivačem,
- odlučuje o prodaji, kupovini, nabavkama, investicijama, korištenju kredita, kreditiranju, donacijama, reprezentaciji, školovanju i edukacijama kadrova (izuzev specijalizacije) i otpisu stalnih sredstava iznad vrijednosti od 6.000,00 KM,
- odlučuje o korištenju sredstava preko iznosa utvrđenog Statutom Doma zdravlja,
- odgovara osnivaču za rezultate rada Doma zdravlja,
- odlučuje o prigovoru zaposlenika na rješenje kojim je drugi organ, određen Statutom Doma zdravlja, odlučio o pravu, obavezi i odgovornosti zaposlenika iz radnog odnosa,
- podnosi osnivaču najmanje jedanput godišnje izvještaj o poslovanju zdravstvene ustanove,
- odlučuje o poslovnoj saradnji sa drugim ustanovama, preduzećima i drugim pravnim licima,
- odlučuje o zaključivanju ugovora sa nadležnim zavodima zdravstvenog osiguranja,
- obavlja i druge poslove u skladu sa zakonom i Statutom Doma zdravlja.

Mandat predsjednika i članova upravnog odbora je 4 (četiri) godine.

Naknada za rad predsjednika i članova Upravnog odbora utvrđena je posebnom Odlukom Općinskog vijeća Breza.

Kandidati za imenovanja na poziciju člana Upravnog odbora JU Dom zdravlja Breza moraju ispunjavati opće i posebne uslove:

#### **II - OPĆI USLOVI**

- Da je državljanin Bosne i Hercegovine i da je stariji od 18 godina.
- Da nije otpušten iz državne službe kao rezultat disciplinske mjere (bilo na nivou države ili entiteta, u periodu od 3 godine prije dana objavljivanja upražnjene pozicije).

- Da nije pod optužnicom Međunarodnog suda za ratne zločine u bivšoj Jugoslaviji (IX tačka 1. Ustava BiH).
- Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH ("Službene novine FBiH", broj 12/03, 34/03 i 65/13).
- Da nije član organa zakonodavne, izvršne ili sudske vlasti ili savjetnik u smislu Zakona o sukobu interesa ("Sl.glasnik BiH", broj 16/02 i 12/04).
- Da nije osuđivan za krivično djelo i privredni prijestup nespojiv s dužnošću u instituciji u koju se kandiduje, 5 godina od dana pravosnažnosti presude isključujući vrijeme zatvorske kazne.
- Da nije lice kojem je pravosnažnom presudom suda zabranjeno obavljanje aktivnosti u nadležnosti institucije u kojoj se kandiduje.

### III - POSEBNI USLOVI

- da nemaju privatno-finansijski interes u zdravstvenoj ustanovi, u čiji se upravni odbor kandiduju,
- da nije direktor zdravstvene ustanove,
- da nisu članovi ni u jednom upravnom odnosno nadzornom odboru ustanove, zavoda, odnosno privrednog društva sa većinskim državnim kapitalom,
- da imaju završen VII stepen stručne spreme pravnog, ekonomskog ili zdravstvenog smjera,
- da imaju najmanje 3 (tri) godine radnog iskustva na poslovima svog stručnog naziva,
- da imaju stručno znanje iz djelatnosti zdravstvene ustanove, te da su upućeni u sadržaj i način njenog rada,
- da imaju sposobnost upravljanja finansijskim sredstvima i ljudskim resursima, kao i sklonost timskom radu.

Rok za podnošenje prijave računa se prema datumu objave oglasa u „Službenim novinama Federacije BiH“.

### IV - POTREBNI DOKUMENTI

Prijave kandidata treba da sadrže kraću biografiju, adresu stana i kontakt telefon.

Uz prijavu treba dostaviti:

- uvjerenje o državljanstvu (datum izdavanja ne stariji od 6 mjeseci od dana izdavanja)
- izvod iz matične knjige rođenih (original ili fotokopija) ili fotokopiju CIPS-ove lične karte (ovjerena fotokopija ne starija od 6 mjeseci),
- uvjerenje da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 (tri) godine prije dana objavljivanja javnog oglasa (za kandidate koji su radili ili još uvijek rade u državnoj službi),
- uvjerenje o nekažnjavanju ne starije od 3 (tri) mjeseca,
- uvjerenje da nije osuđivan za krivično djelo i privredni prijestup nespojiv s dužnošću u instituciji u koju se kandiduje, 5 (pet) godina od dana pravosnažnosti presude isključujući vrijeme zatvorske kazne,
- uvjerenje da nije lice kojem je pravosnažnom presudom suda zabranjeno obavljanje aktivnosti u nadležnosti institucije u kojoj se kandiduje,
- izjavu kandidata da nije obuhvaćen odredbama člana IX tačka 1. Ustava Bosne i Hercegovine, (potpisana i ovjerena izjava)
- izjavu kandidata da nije izabrani stranački zvaničnik nosilac javnih funkcija, savjetnik u smislu Zakona o sukobu interesa u institucijama vlasti Bosne i Hercegovine („Službeni glasnik BiH“, broj 16/02 i 12/04), (potpisana i ovjerena izjava)
- izjavu kandidata da nije član ni u jednom upravnom odnosno nadzornom odboru ustanove, zavoda, odnosno privrednog društva sa većinskim državnim kapitalom, (potpisana i ovjerena izjava)
- izjavu kandidata da nema privatni-finansijski interes u zdravstvenoj ustanovi, u čiji se upravni odbor kandiduju, (potpisana i ovjerena izjava)
- univerzitetska diploma o stečenoj školskoj spremi, ovjerena fotokopija (ne starija od 6 mjeseci)
- uvjerenje o radnom iskustvu na poslovima svoje stručne spreme, koje ima snagu javne isprave.

### V - PODNOŠENJE PRIJAVA

Oglas za podnošenje prijave ostaje otvoren 14 dana od dana objavljivanja oglasa i računa se od datuma posljednje objave.

Podnosioci prijava s kojima se ne stupa u kontakt u roku od 8 (osam) dana od isteka roka za podnošenje prijave neće biti razmatrani u daljem procesu imenovanja.

Svi kandidati koji budu stavljeni na listu sa užim izborom biće pozvani na intervju pred Komisijom za izbor u regulirane organe.

Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Obrasci se mogu popuniti neposredno prije intervjua.

Nakon intervjua Komisija će putem pisane preporuke predložiti rang - listu sa najboljim kandidatima i dostaviti je Općinskom načelniku na dalje razmatranje i konačno imenovanje od strane Općinskog vijeća Breza.

Bilo koji kandidat ili bilo koje drugo lice - član javnosti može podnijeti prigovor na konačno imenovanje ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima Federacije BiH.

Prigovor na konačna imenovanja podnosi se odgovornom javnom službeniku, a kopija se dostavlja Ombudsmenu BiH.

Oglas će biti objavljen u Službenim novinama Federacije BiH, u dnevnom listu, web stranici Općine Breza, na oglasnoj tabli Općine Breza i oglasnoj tabli JU „Dom zdravlja“ Breza.

Nepotpune i neblagovremene prijave neće se uzimati u razmatranje. Dokumenti koji se prilažu uz prijavu na Oglas moraju biti original ili kopije ne starije od šest mjeseci.

Neblagovremene i nepotpune prijave neće biti razmatrane.

Prijave za Javni oglas dostaviti u zatvorenoj koverti sa naznakom:

**"PRIJAVA NA OGLAS - NE OTVARATI"**  
**OPĆINA BREZA**

**- Komisija za izbor kandidata na pozicije članova Upravnog odbora Javne ustanove Dom zdravlja Breza-  
Ulica Bogumilska br.1.  
71370 B R E Z A**

Broj: 01/2-05-1031/18  
Breza, 09.04.2018. godine

Općinski načelnik  
mr.sci. Munib A. Zaimović s.r.